

〔儀式六〕正月二日朝拜皇后儀

當日早朝掃部寮設式部省輔已下座於縫殿寮東道○中已刻省丞已下列立於寮南道西面上于時史

生執簿唱列五位以上隨唱稱唯列立同道南邊先是在參議已上省掌趨進云大夫等參進二聲五位已

上以次參入錄立朔平門內稱客止列立玄暉門外西面上次丞錄率六位已下刀禰入列立五位之後省掌且稱容止次彈

正忠已下在式部次立定時典儀云再拜贊者承傳親王已下再拜訖職大夫出就版位賀壽者進自列

南向稱壽詞見元日儀式復列職大夫參入令內侍啓即參入奉令旨退出傳宣大夫退出就位宣令旨親王及

群臣稱唯拜訖大夫參入典儀曰再拜贊者承傳王公百官再拜訖以次退出

〔延喜式十三〕二月○正受皇太子朝賀

其日早朝職官設皇太子版位於常寧殿口西面口南差退設司賓位又南退設司贊位口口口司賓

引太子入立定司贊唱再拜太子再拜司賓引太子到東階太子昇自口口口賀訖俛伏興引降復位

內侍進承令降詣太子前東面稱令旨太子再拜宣命訖又再拜司贊唱再拜太子又再拜司賓引太子

出事見儀式

〔延喜式十三〕同日○正月早朝受群臣朝賀

同日早朝所司舖設於玄暉門外西廊親王以下諸王五位於廊上諸臣五位於廊下南面式部置典儀位於同門東差東北退設

贊者位並西面南上設職大夫位於門西南面依時剋式部引五位以上六位以下列於同門外南面典

儀曰再拜贊者承傳群官俱再拜職大夫出就位為首者進南向跪稱賀詞訖復位群官俱再拜職大夫

入申內侍內侍奉令旨傳宣大夫奉令旨退出就位南面傳宣群官稱唯再拜訖退出但中務輔引次侍

從以上著座于時內侍一人率女藏人三人納祿物於櫃二合令持職舍人四人置廊下上東自親王座東去一許

丈綿六百屯受大藏省置廊下掃部寮亮進屬各一人史生二人侍賜祿所設座事訖賜祿親王以下大納言

以上各白褂衣二領中納言三位參議白褂衣一領非參議三位并四位參議褂衣一領四位小褂衣一